



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 3. Qualitas Angliae.

urn:nbn:de:hbz:466:1-13147

§. 2. *Quantitas Angliae.*

Longitudo eius excurrit à Promontorio Vinternonio, *Vintern* in Nortfolciâ, ad Bellerium, *la pointe de Cornouaille*, quæ distantia reuocata ad maiorem circulum reddit 400. M. P. Geometricorum, hoc est Anglicas communes circiter 317.

Latitudo à Prom. Dartio Dart ad Baruicum Baruuic Scotiæ limitem, ac proinde excurrit ad 350. M. P. seu Anglicas communes circiter 300.

De *Circitu* non est facile statuere, ob crebra æstuaria, quibus lacinatur. De eo tamen si pingui mineruâ loqui voles, assignabis ei præter propter 800. M. P.

§. 3. *Qualitas Angliae.*

T O T A Regio humidior est, quare hyeme minus frigida, humore retundente frigus. In cå vigesimo primo quoque anno pestilentia desævit, ob æstum altiorem septimi cuiusque anni, qui post tertium septennium longè maximus est. Tum enim diutius stagnantes aquæ computrescunt, & pestem certissimam inducunt.

Vexantur etiam indigenæ à Coturnicibus segetes effodientibus.

Lupis caret Anglia, non ex Regionis naturâ, sed nobilium curâ, & venationibus: sed potissimum quia alias scelerati, lupi capitæ, pœnam capitis redimere iussi, eos exterminarunt.

Oves econtrà hic plurimæ, velleris exquisitissimi, sed caro minus sapida, quam Gallicarum.

Equi denuque velocissimi hinc accersuntur Tolotarij vulgo *Guilledins* omnes castrati: non quòd Rex timeat ne ex iis proles suscipiatur, sed quia integri fœgnes sunt, aut minus expediti.

§. 4. *Lingua Anglorum.*

GERMANICA lingua vulgo *God* tria continet præcipua idiomata, seu primas Dialectos Teutonicam, Saxoniam, & Daniam, quæ iterum in secundarias dialectos diuiduntur, ut antè præ-